

ხელშეკრულება № 060101/10/017
სახელმწიფო შესყიდვის შესახებ

ქ. თბილისი

27 იანვარი 2011 წელი

ერთის მხრივ, ქალაქ თბილისის გლდანი-ნაძალადევის რაიონის გამგეობა (შემდგომში – შემსყიდველი), გამგებლის ნოდარ სანდუხაძის სახით და მეორეს მხრივ შპს „ალტა“, წარმოდგენილი მისი დირექტორის ირაკლი კაკაბაძის (შემდგომში – მიმწოდებელი) სახით, ეხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია ქ. თბილისის გლდანი-ნაძალადევის რაიონის ადგილობრივი ბიუჯეტის სახსრებით კომპიუტერული ქსელის მოწყობილობების შეძენა-მონტაჟის შესყიდვა (CVP 32420000), წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით

2. შესყიდვის ობიექტი

2.1. შესყიდვის ობიექტია: გლდანი-ნაძალადევის რაიონის გამგეობაში არსებული კომპიუტერის და ინგლისური ენის სასწავლო ცენტრისათვის კომპიუტერული ქსელის მოწყობილობების შეძენა-მონტაჟი

3. ხელშეკრულების საერთო ღირებულება

3.1. შესყიდვის ობიექტის ფასი განისაზღვრება ლარებში;

3.2. შესყიდვის ობიექტის ერთეულის ფასი–

1. UTP კაბელი – 610მ- 475.80 ლარი
2. საკომუტაციო კაბელი – 1 ც -91.0 ლარი
3. საკომუტაციო კაბელები -20 ც – 59.60 ლარი
4. კაბელის მარკერები – 40ც -2.80 ლარი
5. სატელეკომუნიკაციო ბუდეები – 35ც -195.80 ლარი
6. საკაბელო არხები – 216.0 ლარი
7. მონტაჟი – 700.0 ლარი

3.2. შესყიდვის ობიექტის საერთო ღირებულება შეადგენს–
1741.0 /ერთი ათას შვიდას ორმოცდაერთი/ ლარი

დღგ-ს, ტრანსპორტირების, დაზღვევის და სხვა თანმდევი ხარჯების ჩათვლით.

4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

5. შესყიდვის ობიექტის მიწოდების ვადები, ადგილი და პირობები

5.1. შესყიდვის ობიექტის მიწოდების ვადა განისაზღვრება ხელშეკრულების ხელმოწერის დღიდან 10 /ათო/ სამუშაო დღის განმავლობაში.

5.2. შესყიდვის ობიექტის მიწოდების ადგილია: ქ. თბილისი, სარაჯიშვილის გამზირისა და ქერჩის ქუჩების გადაკვეთა-გლდანი-ნაძალადევის რაიონის გამგეობა

5.3. შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (საგადასახადო ანგარიშშეაქტურა).

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება შემსყიდველისა და მიმწოდებლის მიერ ხაამისოდ უფლებამოსილი წარმომადგენლების ხელმოწერებით.

7. ანგარიშსწორების ფორმა, გრაფიკი (ვადები) და ადგილი

7.1. მიმწოდებელთან ანგარიშსწორება განხორციელდება ლარებში.

7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

7.3. წინასწარი ანგარიშსწორების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის იდენტური ოდენობის გარანტია იმ ფორმითა და მოქმედების ვადით, რომელიც სახელმწიფო შესყიდვის შესახებ ხელშეკრულებით იქნება გათვალისწინებული (საბანკო გარანტია, აკრედიტივი, ქონების, დანადგარების დაზღვევა და სხვ.).

7.4. ანგარიშსწორება შემსყიდველის მიერ მოხდება შესყიდვის ობიექტის მიწოდებისა და წინამდებარე ხელშეკრულების 5.3. მუხლში მითითებული დოკუმენტაციის წარმოდგენის შემდეგ არაუგვიანეს 10 (ათი) საბანკო დღის ვადაში.

7.5. ანაზღაურების ადგილია ქალაქი თბილისი.

8. მხარეთა უფლება-მოვალეობანი

8.1. შემსყიდველს უფლება აქვს:

- შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

8.2. შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- უზრუნველყოს შესყიდვის ობიექტის მიღება.

8.3. მიმწოდებელს უფლება აქვს:

- მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4. მიმწოდებელი ვალდებულია:

- მიაწოდოს შემსყიდველს ხელშეკრულებით გათვალისწინებული შესყიდვის ობიექტი ხელშეკრულების ხელმოწერიდან არა უგვიანეს 10 /ათი/ სამუშაო დღისა;

- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

9.5. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0.5%-ის ოდენობით.

10. ხელშეკრულების მოქმედების ვადა

10.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2011 წლის 01 მარტამდე

11. ხელშეკრულების პირობების გადასინჯვის შესაძლებლობა

11.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12. ფორს-მაჟორი

12.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მოუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულებას ინსპექტირების პირობები

14.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

14.2. ხელშეკრულების ინსპექტირებას შემსყიდველის მხრიდან განახორციელებს:

ბესარიონ არველაძე – გლდანი-ნაძალადევის რაიონის აპარატის უფროსი

14.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

14.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

15. სხვა პირობები

15.1. მხარეები აღნიშნავენ ერთმანეთს მიეცემულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16. მხარეთა იურიდიული მისამართები და რეკვიზიტები

შემსყიდველი:

მიმწოდებელი:

ქალაქ თბილისის გლდანი-ნაძალადევის
რაიონის გამგეობა

შპს „ალტა“

მის: ქ. თბილისი, სარაჯიშვილის გამზ. №1
ს/ს „კლიბერთი ბანკი“ ბანკი კოდი 220101480
ა/ა №GE95LB0125152101627000
საიდენტიფიკაციო კოდი №209466843

მის: ქ. თბილისი, საბურთალოს ქ. №35
ს/ს „ბანკი რესპუბლიკა“ ც/ფ
ა/ა №GE83BR0000000006467370 კოდი 220101757
საიდენტიფიკაციო კოდი №211380691



ნ. სანდუხაძე

დირექტორი



გ. კაკაბაძე



უკულოფური გაცილებით მარტივია...

გვერდნაწილის ქ.8, 0199 საქართველო, თბილისი ტელ. +995 32 510111 ფაქსი: +995 32 510112 info@alta.com.ge www.alta.ge

შპს "ალტა"

მისამართი: საბურთალოს ქ. №35, 0194 თბილისი, საქართველო

საიდ. კოდი: 211380691

ტელ: +995 32 380038; 510111

საბანკო რეკვიზიტები:

ბანკი "რესპუბლიკა"-ს ცენტრალური ფილიალი

კოდი: 220101757;

ს/ა: GE83BR00000000006467370

დასახელება	ერთეულის ფასი	რაოდენობა	საერთო ფასი ლარებში
UTP კაბელები			
Nexans/ Essential Cat.5E 0.5MM N100.561 305M PVC	0.78	610	475.80
საკონსტრუქციო პანელები			
Nexans/ Modular 1U empty for 24 Snap N521.861	91.00	1	91.00
საკონსტრუქციო კაბელები			
Gembird/ UTP, Cat.5E, 0.5m	1.22	10	12.20
Gembird/ UTP, Cat.5E, 3m	4.05	5	20.25
Gembird/ UTP, Cat.5E, 5m	5.43	5	27.15
კაბელების მარკერები			
MARKERS/ COLOR CODED KE-3	0.07	40	2.80
სატელეკომუნიკაციო ბუდეები			
Nexans/ LANmark-5 Snap-In connector Cat.5e uns N420.550	6.70	20	134.00
Nexans/ MODULAR OUTLET 45 2S-I CONN. W/SHUTTERS N423.550	4.00	6	24.00
Nexans/ SURFACE MOUNTED BOX WHITE N200.116	4.80	1	4.80
MK Electric/ Outlet Box 1Gang, VTS6025	4.45	4	17.80
Nexans/ COVERPLATE TO 45 UK ROUNDED WHITE N300.421	3.80	4	15.20
საკაბელო არხები			
MK 100X50/ Trunking, NCT/1050D1	18.00	12	216.00
სამონტაჟო სამუშაოები			
LAN Installation	700.00	1	700.00
საერთო ფასი დღევანდელი			1741.00

ხ ე ლ წ ე რ ი ლ ი

ქ. თბილისი

27 იანვარი 2011 წ.

ვადასტურებ, რომ ჩემი მონაწილეობა ქ. თბილისის გლდანი-ნაძალადევის რაიონის გამგეობის მიერ გამარტივებული შესყიდვის შედეგად 2011 წლის „27“ იანვრის №060101/10/017 ხელშეკრულებით გათვალისწინებულ კომპიუტერული ქსელის მოწყობილობების შეძენა-მონტაჟის სახელმწიფო შესყიდვის ხელშეკრულების მიმდინარეობის განხორციელებასთან დაკავშირებულ საქმიანობაში არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

ხელშეკრულების შესრულებასა და
კონტროლზე პასუხისმგებელი პირ(ებ)ი:



ნ. სანდუხაძე



ბ. არველაძე